

ՀԱՍՏԱՏՎԱԾ Է՝

ԵՊԼՀ-ի ԳԻՏԱԿԱՆ ԽՈՐՀՐԴԻ

2018 ԹՎԱԿԱՆԻ ՀՈՒՆԻՍԻ 29-ի N° 11 ՆԻՍՏԻ ՈՐՈՇՄԱՄԲ

ԵՊԼՀ-ի ԳԻՏԱԿԱՆ ԽՈՐՀՐԴԻ ՆԱԽԱԳԱՀ՝

Վ. ՀԱՐՈՒԹՅՈՒՆՅԱՆ



ԱՇԽԱՏԱԿԱՐԳ

**ԵՐԵՎԱՆԻ Վ. ԲՐՅՈՒՍՈՎԻ ԱՆՎԱՆ ՊԵՏԱԿԱՆ ԼԵԶՎԱՀԱՍԱՐԱԿԱԳԻՏԱԿԱՆ
ՀԱՄԱԼՍԱՐԱՆԻ ԳԻՏԱԿԱՆ ԽՈՐՀՐԴԻՆ ԿԻՑ ԿԱՆՈՆԱԿԱՐԳԵՐԻ ՄՇԱԿՄԱՆ
ՄՇՏԱԿԱՆ ՀԱՆՁՆԱԺՈՂՈՎԻ**

I. ԸՆԴՀԱՆՈՒՐ ԴՐՈՒՅԹՆԵՐ

1. Երևանի Վ. Բրյուսովի անվան պետական լեզվահասարակագիտական համալսարանի գիտական խորհրդին կից կանոնակարգերի մշակման մշտական հանձնաժողովի (այսուհետ՝ Հանձնաժողով) գործունեության հիմնական նպատակն է մշակել և քննարկել գիտական խորհրդի կողմից հաստատվող կանոնադրությունների, կանոնակարգերի, կարգերի, աշխատակարգերի, ընթացակարգերի և իրավական այլ ակտերի նախագծերը:
2. Հանձնաժողովն իր գործունեությունն իրականացնում է՝ Հայաստանի Հանրապետության օրենսդրությանը, ԵՊԼՀ-ի կանոնադրությանը, ներքին իրավական ակտերին և սույն աշխատակարգին համապատասխան:
3. Հանձնաժողովն իր ոլորտին վերաբերող հարցերը քննարկում է ԵՊԼՀ-ի գիտական խորհրդի և/կամ ռեկտորի հանձնարարությամբ, ինչպես նաև հանձնաժողովի անդամների առաջարկությամբ:
4. Հանձնաժողովի գործունեության ժամկետի և կազմի հաստատումը, դրանց փոփոխություններն իրականացվում են ԵՊԼՀ-ի գիտական խորհրդի կողմից:

II. ՀԱՆՁՆԱԺՈՂՈՎԻ ԳՈՐԾԱԴՐՈՒՅԹՆԵՐԸ

5. Հանձնաժողովի գործառույթներն են.
 - ա) մշակել և գիտական խորհրդի հաստատմանը ներկայացնել իր աշխատակարգը,

- բ) մշակել և գիտական խորհրդի հաստատմանը ներկայացնել ԵՊԼՀ-ի գործունեության ոլորտներին վերաբերող կանոնակարգերի, կարգերի, ընթացակարգերի, աշխատակարգերի և իրավական այլ ակտերի նախագծեր,
գ) քննարկել և հավանության արժանացնել ԵՊԼՀ-ի կառուցվածքային ստորաբաժանումների կանոնադրությունների նախագծերը,
դ) գիտական խորհրդին և ռեկտորին ներկայացնել առաջարկություններ ԵՊԼՀ-ի իրավական ակտերում փոփոխություններ իրականացնելու վերաբերյալ:

III. ՀԱՆՁՆԱԺՈՂՈՎԻ ԳՈՐԾՈՒՆԵՈՒԹՅԱՆ ԿԱԶՄԱԿԵՐՊՈՒՄԸ

6. Հանձնաժողովն իր գործունեությունը կազմակերպում է նիստերի միջոցով, որոնք հրավիրվում են ըստ անհրաժեշտության: Հանձնաժողովի նիստերը հրավիրում է հանձնաժողովի նախագահը:
7. Հանձնաժողովի նիստերն իրավագոր են, եթե դրանց մասնակցում է հանձնաժողովի անդամների երկու երրորդը: Հանձնաժողովում որոշումներն ընդունվում են հանձնաժողովի նիստին ներկա անդամների ձայների պարզ մեծամասնությամբ:
8. Հանձնաժողովի նիստերն անցկացվում են հանձնաժողովի նախագահի և հանձնաժողովի անդամների կողմից առաջարկվող օրակարգով:

IV. ՀԱՆՁՆԱԺՈՂՈՎԻ ՆԱԽԱԳԱՀԸ, ՆԱԽԱԳԱՀԻ ՏԵՂԱԿԱԼԸ, ՔԱՐՏՈՒՂԱՐԸ ԵՎ ԱՆԴԱՄՆԵՐԸ

9. Հանձնաժողովի նախագահը, փոխնախագահը և քարտուղարը ընտրվում են գիտական խորհրդի կողմից:
10. Հանձնաժողովի նախագահը՝
 - ա) հրավիրում և վարում է հանձնաժողովի նիստերը,
 - բ) համակարգում է հանձնաժողովի որոշումների ընդունման գործընթացը,
 - գ) առանձին հարցերի քննարկման նպատակով կարող է հրավիրել համապատասխան մասնագետների և փորձագետների,
 - դ) ԵՊԼՀ-ի գիտական խորհրդում ներկայացնում է հանձնաժողովի կողմից մշակված նախագծերը:
11. Հանձնաժողովի նախագահի տեղակալը՝
 - ա) նախագահի բացակայության դեպքում իրականացնում է նրան վերապահված լիազորությունները և պարտականությունները,
 - բ) հանձնաժողովի նախագահի հանձնարարությամբ ներհամալսարանական և արտահամալսարանական շրջանակներում ներկայացնում է հանձնաժողովի կողմից մշակված փաստաթղթերը և իրականացված աշխատանքները,

գ) ունի հանձնաժողովի անդամին վերապահված իրավունքներն ու պարտականությունները:

12. Հանձնաժողովի քարտուղարը՝

ա) ապահովում է տեղեկության փոխանակումը հանձնաժողովի անդամների միջև, անհրաժեշտության դեպքում կազմում և ներկայացնում է տեղեկանք հանձնաժողովի աշխատանքների և որոշումների մասին,

բ) հանձնաժողովի նախագահի հանձնարարությամբ ներհամալսարանական և արտահամալսարանական շրջանակներում ներկայացնում է հանձնաժողովի կողմից մշակված փաստաթղթերը և իրականացված աշխատանքները,

գ) ունի հանձնաժողովի անդամին վերապահված իրավունքներն ու պարտականությունները:

13. Հանձնաժողովի անդամը՝

ա) մասնակցում է հանձնաժողովի աշխատանքներին, բարձրացված հարցերի քննարկմանը,

բ) առաջարկներ է ներկայացնում կանոնադրությունների, կանոնակարգերի, կարգերի, աշխատակարգերի, ընթացակարգերի և իրավական այլ ակտերի նախագծերի վերաբերյալ,

գ) հանձնաժողովի քննարկումների հիման վրա անցկացված քվեարկությունների միջոցով մասնակցում է որոշումների ընդունմանը,

դ) հանձնաժողովի որոշմամբ ներհամալսարանական և արտահամալսարանական շրջանակներում ներկայացնում է հանձնաժողովի կողմից մշակված փաստաթղթերը և իրականացված աշխատանքները:

14. Հանձնաժողովում քննարկված հարցերի վերաբերյալ հանձնաժողովի անդամը կարող է ունենալ հատուկ կարծիք և այն ներկայացնել ԵՊԼՀ-ի գիտական խորհրդի նիստում: